



ONBIL MA TZAJ TUJ CYA'J

**A ke versículo lu,
e chmet tu'n Watson Goodman**

**Nok cucx tu'n tu'n cysipet,
mya tu'n t-xi cycayet**

ONBIL MA TZAJ TUJ CYA'J

“Onbil ma tzaj tuj cya’j” Jun t’loj tkic’ Tyol Dios sc’o’nmaj teyle junjun tjak’ jun tloc’ yol. Aju chic’babl ba’nxix ti’j Xjan Tu’jil Tyol Dios ax aju Tyol Dios Biblia tbi.

Aju Tyol Dios “Ma tzaj tuj cya’j” ex atzun jun onbil cye keju nne’l cyc’u’j ex in che txket tu’n cyoc tz’aklxix. Oc tajtz ti’j tanmi jun xjal, in cyaj tcolin aju il, in xi tk’o’n ambil tu’n tul Jesucrist najal tuj tanmi, cyja’tzun nno’c Jesucrist colol te, nne’l tnic’ ti’j Jesucrist, atzun te Jesucrist in tzaj tk’o’n tzalajbil ex ttxub-txjal tuj tanmi. O tz’el nnic’e ti’j jlu tuj abk’i 1937, ex minti’tl nnaj aju mojbabl wibe tuc’il Dios, Ilxix ti’j tu’n te’monteya Jesucrist ja’lo, cyja’tzun tten ate Jesucrist Clol teya ex ta-jwila te junmajx, Binchama jlu ka nanx te’monteya. Nyolin aju baj chmonte ke tkic’ Tyol Dios lu.

Watson Goodman

AJU TC'UJLALIL DIOS

1

Pero in tzaj tyec'un Dios ka at tc'ujlalil ki'j tu'nju o cyim Crist te kxel tej aj ilxtok ko'. —Rom 5:8

Na'mxtok tul canun ju nink'ij xjan k'ij tbi, bi'ntok tu'n Jesús otok pon tk'ijlalil tu'n tie' tzalu twitz tx'otx' ex tu'n tpon tuc'il Tman, tu'nju at tc'ujlalil cyi'j ke t-xnak'tzben ate' tzalu twitz tx'o-tx', cyja'tzun xi tyec'un ju tc'ujlalil nimxix cye. —Juan 13:1

Ka at jun xjal ma txi tk'on tib tu'n teyim tu'n cyclet ke tamiw, mas ma' tc'ujlalil, mlay pon tc'ujlalil juntl ic tza'n jlu'. —Juan 15:13

Ex tu'n Jesucrist aju testiw ax-ix toe tyol, ex aju tnejel jatz ank'in cyxol cyimni ex ate cawil cyibaj rey ate' twitz tx'otx'. Ate Crist c'ujlal ke, ex ma ko tzokpet tu'n tuj kil tu'nju tchc'el.

—Apocalipsis 1:5

Porque cyja'tzun tten ma te'u-jla Dios ke xjal, ma chin tzaj k'o'ne tu'n, ayine o'cxcu jun Tc'u-a'l, tu'ntzun mi'n tnaj teyakilju alcye ma tz'ocslan wi'je, nok o'cx tu'n tten tchwinklal te jumajx.

—Juan 3:16

Alcyequi minti tc'ujlalil, na'mx tel tnic' ti'j Dios, porque ate Dios at tc'ujlalil.

—1 Juan 4:8

DIOS JESUCRIST

Ax toc ma' t-xilen aju kocsabl ma tzaj yec'un: Oc Dios te xjal tu'n ttzaj yec'un ke, el chic'e' tu'n Xeubaj Xjan ka tz'aklxixte, ex oc que'yin cyu'n anjel. O pacbanjtz ti'j cyxol ke txkantl xjal tuj mastl nasyon, ex e ocslan xjal ti'j, ex jax k'i'n tuj cya'j.

—1 Timoteo 3:16

T-xe' tnejel attok ju Yol; ex ju Yol attok tuc'il Dios, ex ju Yol ax Dios te. Aju Yol oc te xjal, ex o najan kxol, nim t-xtalbil ex axix toc tyol; ex o kil ma'xix toclem, ax ju toclem o'excu jun Te'ua'l Dios Mambaj.

—Juan 1:1 ex 14

Teyakil jlu' o bant tu'ntzun tjapun aju k'ma'maj tu'n Kajau, tzaj tma'n tsanjel Dios: At jun k'poj

na'mx tlonte xinak, coquel ten tal ex tzul itz'j jun tal, ex coquel k'o'n tbi Emanuel. Aju yol Emanuel atzun in tma'n: At Dios kuc'il.

—Mateo 1:22, 23

Ayinwe tuc'ix ju Nmane, junx ko'ye, chi Jesús xi tma'n cye.

—Juan 10:30

Xi ttzak'we'n Jesús: —¿Maj na'mx tel tnic'a wi'je, Pelip? Ex ma chin tene nim k'ij cyuc'ile. Alcye ma chin ilwaje tu'n ma ilwaj Dios Mambaj tu'n. ¿Tza'ntzun tten in tzaj tma'na tu'n t-xi nyec'ue Dios Mambaj cyeye? ¿Mipeti in xi tocsla'na ka ayine tuc'il Nmane ex at Nmane wuc'ile?

—Juan 14:9, 10a

JESUS AJU TC'UA'L DIOS

3

Alcye ju in tchic'ba'n ka ax toc
Te'ua'l Dioste Jesús, ax najl Dios
tuj tanmi, ax icx te ax najl tuc'il
Dios.

—1 Juan 4:15

Xitzun ttzak'we'n ju anjel:
—Aju Xeubaj Xjan tzu tuc'ila, ex
cjel tena tjak' tipumal Dios
ma'xix toclen; cyja'tzun, aju ne'
tzul itz'j o'cx c'ajbel te Dios, ex
coquel tbi Tc'ua'l Dios.—Lucas 1:35

Matok in yolin Pedro, cub ten
jun muj cyibaj, in koptz'aj; ex at
jun tk'ajk'ajel tzaj tuj muj, in
tma'n: —Atzun Nc'ua'le jlu', c'uj-
la'nxix wu'ne, in chin tzalaje ti'j.
Cybinxe tyol.

—Matey 17:5

Ex e jau sch'in ke xjal lu' in
cyma'n: —¿Ti toclena ki'je, Jesús

Tc'ua'l Diosa? ¿Mape tzula tzalu
tu'n kyajlanjtz naje tu'na na'mx-
tok tpon tk'ijlalil? —Matey 8:29

Xitzun tma'n Jesús te: —Mat-
zun chin tila; ayin kine Tc'ua'l Di-
os in chin yoline tuc'ila.

—Juan 9:37

Ayine sc'o'maj kine tu'n Nmane
ex ma chin tzaj tsama'ne cyxol
xjal. ¿Tiku'ntzun in cyma'ne we-
ye: In yolina mya ba'n ti'j Dios,
che chiye, nok tu'nju ma txi
nma'ne: Tc'ua'l Dios kine? Ka
mya icx in nbincha'ne ic tza'n in
tbincha'n Nmane, mi'n txi cyoc-
sla'ne nyole.

—Juan 10:36, 37

Porque tcyakilju tza'n tten Dios
najl tuj t-ximlal Crist. —Colosas 2:9

TZAJ TMA'N JESUS ALCYE JESUS

Xitzun tma'n Jesús cye: —Akeye te cubni tzalu twitz tx'otx'; atzun kine te jauni tuj cya'j; akeye te twitz tx'otx' keye, atzun weye mya te twitz tx'otx' kine. . . . Xitzun tma'n Jesús cye: —Ax toc cxel nma'ne cyeye, na'mxtok tul itz'j Abraham atinwe.

—Juan 8:23 ex 58

Tzajtzun tma'n ju xu'j te Jesús: —Bi'nwe wu'n, tzul ju Mes̃as, aju Crist tbi, aju at toclen tu'n Dios; octzun tul ctzajel tchic'ba'n jnic'ju tcyakil ke. Xi tma'n Jesús te: —Ayin kine Crist in chin yolin tuc'ila.

—Juan 4:25, 26

Entons xi tma'n Jesús cye: —Ayinwe wabj tu'n tten cychwin-

klale; aju ma tzul wuc'ile mlay tzaj we'yaj ti'j; ex aju ma tz'o-cslan wi'je, mlay tzaj txketlen ti'j.

—Juan 6:35

Atxcu kine twitz tx'otx', spi-c'un kine cye xjal. —Juan 9:5

Xitzun tma'n Jesús jumajtl cye: —Ax toc cxel nma'ne cyeye: Ayin-we ttzi pe'n cye xne'l. —Juan 10:7

Entons xi tma'n Jesús te: —Ayine k'olte ank'ibl ex ayine k'ol chwinklal; alcye ma tz'o-cslan wi'je, mascye ka ma cyim oc cank'il.

—Juan 11:25

In cyma'ne ka ayine Xnak'tzal cyeye ex Cyajawe; ba'n in cyma'-ne, porque ax toc Xnak'tzal kine, ex ayine Cyajawe. —Juan 13:13

JUNJUN BINCHBEN NIM TIPUMAL BANT 5 TU'N JESUS

Xitzun tma'n eye xjal tu'n cycub ke' tibaj ch'im. Ex tzaj ttzyu'n jue' pan tuc'ix cab cyix, jau tque'yin twitz cya'j, ex cub tc'iwla'n, ex cub tpiixc'u'n ju pan, xi tk'o'n eye t-xnak'tzben atzun eye t-xnak'tzben xi cysipan eye xjal. Cycyakil xjal e wa'n, ex e baj noj; ex jau cychmo'n aju ttx'akan eyaj t-xon tib, cablaj chi'l o noj.

—Matey 14:19-20

Xi ttzak'we'n Simón: —Xnak'tzal, ma tz'ex ak'bil ku'ne in ko ak'unane, ex minti ma tzyet ku'ne; pero nok tu'n ju ma tzaj tma'na, cbelex nk'o'ne xyub. Tejtzun

tcu'x cyk'o'n, tzyet nim cyix cyu'n, ch'ixtok tlakj cyxuyb.

—Lucas 5:5, 6

At cabe xjal mox k'ukl ke ttzi be. Tejtzun cybinte cyja' ttzaj Jesús, e jau sch'in in cyma'n: —¿Aya Tat Tc'ua'l David, k'ak'antz tc'u'-ja ki'je! . . . We'tzun Jesús, ex e tzaj ttxco'n, xi tma'n eye: —¿Al-ye cyajbile tu'n nbinchante ye ye? Xitzun cyma'n ke mox te: —Tat, kajbile tu'n tjaket kwitze. Tzajtzun k'ak'an tc'u'j Jesús ciij, oc tmco'n tbak' cywitz; ex jurat naj jaket cywitz, ex e oc lpe' ti'j.

—Matey 20:30 ex 32-34

6 ATE CRIST CH'ISAL EX TAJAW TCYAKIL

Porque nok tu'n Crist o tbincha
Dios tcyakil, tcyakilju at tuj eya'j
ex tcyakilju at twitz tx'otx', tcyakilju
k'ancha'l ex tcyakilju mi'n
k'ancha'l, cyuc'ix ke caubil,
cyuc'ix keju in che cawin, cyuc'ix
ke nejenel, cyuc'ix keju at cyoc-
len; tcyakil o bant nok tu'n Crist,
tcyakil o bant tu'n tajben te.

—Colosas 1:16

Nok tu'n o bant jnic'ju tcyakil;
ex tcyakilju o bant, miwtiloti o
bant nokwit mya ate binchante.

—Juan 1:3

Dios . . . te mancbilxitzun tuj
tk'ijlalil ja'lo ma tzaj tma'n Dios
tyol te Tc'ua'l tu'n ttzaj tma'n ke,
ex ma tz'oc tk'o'n Dios Tc'ua'l

tu'n toc te etzal te tcyakil. Ax icx
tcyakilju at tbincha Tc'ua'l Dios,
ax Dios k'mante tu'n tbant.

—Ebrey 1:2

Cybimtzune cycyakile jun yol
axix toc, akeye aj Israel, ate Jesús
jau cyk'o'ne twitz crus, pero ma
tz'oc tk'o'n Dios te Kajau ex ma
tzaj tk'o'n toclen tu'n toc te Crist.

—Cybinchben Apostl 2:36

Tu'ntzunju cyim Crist, ex jau
ank'in, tu'n toc te Cyajau cyimni
ax icx cye itz'. —Rom 14:9

Ate Dios in japunxix tyol ex
mlay tzic'x ti'j, axte ma txcon
cyeye tu'n cymojbante cyibe tuc'il
ju Tc'ua'l, aju Kajau Jesucrist.

—1 Corint 1:9

ATE JESUCRIST JUES TIBAJ TCYAKIL

7

¿Yajtzun teya, tiku'n in yolina ka mya ba'n termanaya? ex ¿tiku'n inel tic'una termanaya? Por que kcyakil ko tembil twitz Crist tu'n koc tuj xjel.

—Rom 14:10

Cxel ncyuwsa'ne teya twitz Dios ex twitz Kajau Jesucrist; por que tu'n Jesucrist che oquel tuj xjel ke xjal itz' ex ke xjal cyimni oc tyec'unte tib tuj tcaubil.

—2 Timotey 4:1

Oetzun wule, ayine sc'o'maj ki-ne tu'n Dios tu'n ntene cyuc'il xjal, otok chin oque rey, ex cyuc'ix cyacyakil ke anjel wuc'ile, octzun chin bel ke'ye tuj nk'ukbile in koptz'aj tu'n ncawine. Ex cyacyakil xjal tuj junjun nasyon

che oquel chmo'n nwitze, ex quelel npa'ne junjun cyxol txkantl, ic tza'n jun pastor in che el tpa'n ke xne'l cyxol ke chip.

—Matey 25:31, 32

Teyakil jlu' quelel tuj k'ancha'l tuj tk'ijlalil oc cyoc xjal tuj xjel twitz Dios tu'n Jesucrist ic tza'n tkanil jun colbil in xi npacba'ne, ex quelel chic'e' jnic'ju e'wan cyu'n xjal.

—Rom 2:16

Ex tzaj tma'n Jesús keye tu'n t-xi kpacba'ne cye xjal ex tu'n t-xi kchic'ba'ne cye ma tz'oc k'o'n Jesús te Jues tu'n Dios, tu'n toc te jues cyibaj xjal itz' ex cyibaj ke xjal cyimni.

—Cybinchben Apostl 10:42

MA KO COLPET O'CX TU'N JESUCRIST

Ayinwe ttzi pe'n; alcye ma tz'oc-tz wu'ne oc cletel; oc coquetz ex quelex, ex cnetel twabl.

—Juan 10:9

Cyja'tzun ma txi nma'ne cyeye, oc che cymele tujxju cyile; porque ka minti ma txi cyocsla'ne ka ayin kine, oc che cymele tujx ju cyile.

—Juan 8:24

Ex tu'nju oc te tz'aklxix, cyja'tzun oc binchalte colbil te jumajx cye cycyakilju in che nimante.

—Ebrey 5:9

Pero nok cucx ko c'metel tu'n Dios nok tu'n t-xtalbil, tu'nju ma ko colpet tu'n Jesucrist.

—Rom 3:24

Cyja'tzun tten at tipumal tu'n cyclet te jumajx akeju in che pon lk'e' etlaj Dios tu'n Jesús, porque itz'te Jesús te jumajx tu'n tcubsan twitz Dios cyi'j. —Ebrey 7:25

Ex mix alo juntl clol ke; porque tuj tcyakil twitz tx'otx' minti ma tzaj tma'n Dios ka at juntl tu'n kclet tu'n, chi Pedro xi tma'n cye.

—Cybinchben Apostl 4:12

Tu'n Dios ma che oc mojba'ne tuc'il Jesucrist, ex ma tzaj k'o'n tnabl Crist ke tu'n Dios, ex nok tu'n Crist ma ko c'met tu'n Dios, ex ma ko el tpa'n tu'n kajben o'cx te, ex ma ko colpet tu'n.

—1 Corint 1:30

MA KO COLPET O'CX TU'N JESUCRIST

9

Entons xi tma'n Jesús te: —Ayine ju be, ex ayine ju yol axix toc, ex ayine k'ol chwinklal; mix alo jun xjal jacu pon tuc'il Dios Mambaj, nok o'cx wu'ne. —Juan 14:6

Xi tk'on tib Jesucrist tu'n tcyim tu'n tchjet kil tu'n, tu'ntzun kcolpet tu'n tuj tcyakil mya ba'n, ex tu'n ktx'ajet tu'n tu'n koc te jun tnam tecuxix ex at-xix kgann tu'n kbinchante aju ba'n.

—Tito 2:14

Cyk'onxe chjonte te Kman Dios, porque ma tzaj tk'o'n koclen tu'n kc'monte jun etzbil junx cyuc'il ocsnal ate' tuj spic'un. Ma ko clet tu'n Dios, ma ko etz ti'n tuj tipumal klolj, ma ko pon ti'n tuj

tcaubil Tc'ua'l, aju c'ujla'n tu'n, ex ma ko colpet tu'n Crist nok tu'n ju tchc'el, ex ma cub najset kil tu'n.

—Colosas 1:12-14

Porque ayine, sc'o'maj kine tu'n Dios tu'n ntene cyuc'il xjal, ma chinule jyolte ex colte aju tz'petnitok.

—Lucas 19:10

Ex xi cybitzan jun bitz ac'aj, in cyma'n: Aya ba'n, cyja'tzun ba'n tu'n tc'monteya ju libr ex tu'n tel ti'na ke sey ti'j; porque cub byona, ex ma che tlok'a ke xjal tu'n tchc'ela tu'n cyten tuc'il Dios, te tcyakil tiyjil xjal ex te tcyakil c'loj xjal junxilchak cyyol, ex te tcyakil tnam, ex te tcyakil nasyon.

—Apocalipsis 5:9

Ic tza'n ma ko c'met tu'n Dios
tu'nju cyim Crist, cyja'tzun mas
in ke'xix kc'u'j ti'j oc ko cletel
tu'n oc ttzaj cycastiw xjal tu'n Di-
os.

—Rom 5:9

Nok tu'n Crist ma ko colpet
tu'n ju tchc'el, ex ma najset kil
tu'nju t-xtalbil nimxix. —Efeso 1:7

Bi'n cyu'ne ma che colpete tu'n
mi'n cyank'intle tuj ju nokx gann,
porque aju xnak'tzbil cyc'ame te
cymane nokx gann, ex bi'n cyu'ne
mya tu'n tbanil puak ex mya tu'n
sak puak ma che colpete, porque
in che naj jlu'. Nok o'cx tu'n
tchc'el Crist ma che colpete, aju

wi'yilxix; ic tten Crist ic tza'n jun
tal ñne'l minti tpaltil ex minti
ttz'ilil.

—1 Pedro 1:18, 19

Pero ka in ko bet tuj spic'un, ic
tza'n te Dios at tuj spic'un, at
kmojbabl kib kxolx, ex aju tchc'el
Jesucrist ju Tc'ua'l Dios inel
ttx'jo'n tcyakil il tuj kanmi.

—1 Juan 1:7

Katzun ka icju, ¿yajtzun tchc'el
Crist, myapetzun mas at tipumal?
Porque ma sakix tuj kanmi tu'n
ti'j ju kbinchben minti tajben,
tu'ntzun kajben teju Dios itz'. Por-
que nok tu'n ju Xeubaj Xjan, aju
cucx tten te jumajx, xi tk'on tib
Crist te Dios, ex oc te jun chojbil
minti tpaltil.

—Ebrey 9:14

TU'N KOCSLABL TI'J CRIST MA KO CLET 11

Porque ma che clete tu'n t-xtalbil Dios, nok tu'n cyocslable. Mya cyu'nxe ma che clete, jun oyaj jlu' ma tzaj tk'o'n Dios. Mya tu'n cyak'unbene ba'n ma che clete, tu'ntzun mi jun tu'n tjau tni-man tib.

—Efeso 2:8, 9

Cyja'tzun ma ko c'met tu'n Dios nok tu'n kocslabl ex ma bant kten tuc'il Dios nok tu'n Kajau Jesucrist.

—Rom 5:1

Xitzun cyma'n Pablo te: —Oc-slama Kajau Jesucrist, oc cletel-tzuna, aya ex keju ate' tuj tjaya.

—Cybinchben Apostl 16:31

Porque cycyakil keju ma che oc-te tc'ua'l Dios, in cub ti'j ju mya

ba'n cyu'n, aju at twitz tx'otx'. Cyja'tzun tten nok tu'nju kocslabl in cub ti'j ju mya ba'n ku'n, aju at twitz tx'otx'.

—1 Juan 5:4

Xitzun cyma'n xjal te: —¿Tit-zun oc kbincha'ye tu'n kbinchan-teye aju ak'untl in tma'n Dios? Xitzun ttzak'we'n Jesús: —Atzun ak'untl jlu' in tma'n Dios tu'n cybinchanteye: Che oeslane wi'je ma chin tzaj sama'ne tu'n Dios.

—Juan 6:28, 29

Pero akeju señ lu' ma che tz'iban-jtz tu'ntzun t-xi cyocsla'ne ka ate Jesús ju Crist, aju at toclen tu'n Dios, ex ax Tc'ua'l Dios, ex tu'n tten cychwinklale tu'n oc t-xi cyo-csla'ne.

—Juan 20:31

Porque ayine sc'o'maj kine tu'n
Dios tu'n ntene cyuc'il xjal, ma
chinule clol cye keju tz'petni ke.
¿Chi toc cyu'ne? Ka at jun xjal at
jun sient t-ÿne'l, ex ka ma cyaj
tz'pet jun, ¿mlaypelo che cyaj
tk'o'n keju noventinueve twi'witz,
ex cxe'l jyolte aju otok cyaj
tz'pet? Ex katzun ma cnet tu'n, ax
toc cxel nma'ne cyeye, mas ctzala-
jel ti'j ju tal ÿne'l lu' cywitz ju no-
ventinueve aju minti e cyaj tz'pet.
Cyja'tzun, aju Cymane at tuj cya'j
myatzun tajbil tu'n tnaj jun cyeju
tal ch'in lu'. —Matey 18:11-14

Ma ko clet tu'n, pero mya tu'nju
atwit kbinchben tz'aklxix, nok
o'cx tu'nju tzaj k'ak'an tc'u'j ki'j.

Ma ko clet tu'nju tx'ajbil ke tej ki-
tz'j tcabmajii'n, ex tu'nju ma ko oc
te ac'aj tu'n Xeubaj Xjan.

—Tito 3:5

Ko lk'extzun ttxlaj Dios ex ke'c
kc'u'j ti'j tu'n kpon twitz tk'ukbil
ja tuma ta' t-xtalbil, tu'ntzun
ttzaj k'ak'an tc'u'j ki'j ex tu'n
ke'monte jun xtalbil tuj tk'ijlalil
oc tul tajbenxix ke. —Ebrey 4:16

Ni'manxwit tbi Dios, aju tman
Kajau Jesucrist, tu'nju nimxix
ma tzaj k'ak'an tc'u'j ki'j, ex ma
ko itz'j tcabmajii'n tu'n, tu'n tten
jun k'ukbabl kc'u'j mlay naj, por-
que o jatz ank'in Jesucrist cyxol
cyimni. —1 Pedro 1:3

Tujtzunju mancibil k'ij te nin-k'ij, aju k'ij ma' t-xilen, cub we' Jesús ex jau tk'ajk'ajel twi', tma: —Ka at jun xjal at txketlen ti'j, cu tzaj wuc'ile tu'n tc'an. —Juan 7:37

Tejtzun tlonte Jesús, tzaj tlo'ch te'u'j, xi tma'n cye t-xnak'tzben: —Cyk'onxe ambil cye tal c'ua'l tu'n cytaj wuc'ile, ex mi'n che'x cymayo'ne; porque aju tcaubil Dios cyecye xjal in che oc ic tza'n ke tal c'ua'l.

—Marcos 10:14

Cu cytaje wuc'ile cycyakile, akeye ma che sicté tu'n ak'untl ex ma che sicté tjak' iktz, octzun che ojlale wu'ne.

—Matey 11:28

Tej tpon or te wabl xi tsama'n xjal jun tmajen k'malte cyeju otok

che txconjtz: Cu cytaje, porque ma bant tten teyakil.

—Lucas 14:17

Aju Xeubaj Xjan tuc'ix ju t-xu'jil Tal Xne'l in cyma'n: —Cu tzaja. Ax icy alcye ma binte, k'manx: —Cu tzaja. Ex alcye at txketlen ti'j, cu tzaj; ex alcye tajbil tu'n tc'an, c'anx ju a' te chwinklal nok cucx. —Apocalipsis 22:17

Ate Dios ma clon ke ex ma ko ttxoc tu'n kten o'cx tu'n kajben te; mya tu'n ju kak'unben ma ko ttxoc Dios, nok o'cx tu'nju cub t-ximan icju, ex tu'nju t-xtalbil tzaj tk'o'n ke atxix t-xe tnejel ojtxi tunju at kmojbabl kib tuc'il Jesucrist.

—2 Timotey 1:9

Tu'ntzun jlu' inel nic'baj cyi'j alcye keju tc'ua'l Dios ex alcye keju te'ua'l tajau il; porque tcyakilju minti in tbincha'n ju tz'aklxix, myatzun te Diosju, ax iex mya te Dios aju minti in tc'ujla'n terrmann.

—1 Juan 3:10

Tu'n cytene minti cypaltile ex tu'n cytene minti jun mya ba'n tuj cyximbetze, nok o'cx tu'n cyoque te tc'ua'l Dios minti ch'in tz'il cyi'je cyxol ke xjal mya ba'n ke ex miban che bin. Ic cytene ic tza'n ke che'u in che koptz'aje cyxol xjal ate' tuj klolj. —Filipos 2:15

Cyja'tzun in tma'n: Cu cyetze cyxol, ex cypa'mil cyibe cyi'j, chi

Kajau; ex mi'n tz'oc cymaco'ne aju ttz'ilil. Octzun che c'metele wu'ne. Chin oquele te Cymane, atzun cyeye che oquele te nc'yajile ex te nmejele. —2 Corint 6:17, 18a

Porque jnic'ju xaklu'n tu'n T-xeu Dios, aketzunju tc'ua'l Dios ke. Porque ma cyc'ame ju Xeubaj Xjan, mya tu'n cytene juntl maj te majen ex mya tu'n cytene juntl maj tuj xobajil; pero ma cyc'ame ju Xeubaj Xjan tu'n cyoque te tc'ua'l Dios; tu'ntzunju inoc kma'n te Kman Dios: Tat, ko chi.

—Rom 8:14, 15

Pero akeju e c'monte ex e ocslan ti'j, xi tk'o'n cyoclen tu'n cyoc te tc'ua'l Dios. —Juan 1:12

Ko bet tuj tu'melxix ic tza'n in ko bet k'ijl. Mi'n ko bet tuj achbil, mi'n ko c'a'n k'e'n, mi'n ko yañin, mi'n ko oc ic tza'n keju minti inajtz cyjac'u'n cyib, mi'n ko k'ojin, mi'n tzaj tloch kc'u'j ti'j junatl. Ate Jesucrist ic tten ic tza'n jun makbil ki'j tu'n kclet, atzunju cyk'o'-ne'cyi'je, ex mi'n cyak'e ambil tejutajbil cychibjale mya ba'n.

—Rom 13:13, 14

K'ancha'lxit aju in cybincha'n xjal in xi cyniman tajbil cychibjal. Atzun jlu' in cybincha'n: in cybincha'n aj pajil, in che yañin, in cybincha'n aju ttz'ilil, in che achin, in che c'ulun cywitz ke tilbilal, aj c'ya' ke, cyajk'oj cyib, in

che k'ojin, inoc tx'a'l ti'j cyc'u'j ti'j junatl, in che jau cyakpaj, ex in baj cyic'len cyib, in cub ten pabl tib cyxol, ex in che oc lpe' ti'j junxnak' tzbil mya ba'n. In tzaj tlo'ch cyc'u'j, byol xjal ke, c'a'l k'e'n ke, in che achin tuj nink'ij, ex at mastl in cybincha'n ic tza'n jlu'. Ba'n tu'n cybinteye jlu': akeju cucx cybinchante teyakil jlu' mlay che ocx tuj tcaubil Dios, ic tza'n o txi nma'ne cyeye.

—Galasia 5:19-21

Porque nim toclen ju tc'ua'la twitz Dios. Mlay txi tc'a'n vinn mi k'e'n, ex oc cnojel tanmi tu'n Xeubaj Xjan tzajnix bant na'mxtok tul itz'j.

—Lucas 1:15

MLAY CLET XJAL NOK O'CX TU'NJU BA'N XJAL

Xi tma'n Jesús te: —Cyc'ujlame Kajau, aju Cydiose, tu'n tcyakil cyanmiye ex tu'n tcyakil cyc'u'je ex tu'n tcyakil cynable. Atzun tnejel mandamient jlu' ma'xix to-clen.

—Matey 22:37, 38

Tejtzun tic' Jesús tu'n t-xi' tuj tbe, ul kelan jun xjal tuc'il, cub meje' twitz, ex xi tkanin te: —Aya jun Xnak'tzal ba'n, ¿alcye oc nbin-chaye tu'n ncambanteye chwinklal te jumajx? Xi tma'n Jesús te: —¿Tiku'n in chinoc tk'o'na te ba'n? Mix alo jun xjal ba'n, o'cxte Dios ba'n. Bi'n ke mandamient tu'na: Mi'n cybinchaye aj pajil;

mi'n che biyune; mi'n che elk'ane; mi'n che nic'an yole ti'j juntl; mi'n cub cysbune jun xjal; cyni'manxe cymane tuc'ix cytxu'ye. Atzunte cu'xun xi tma'n: —Xnak'tzal, tcyakil jlu' o japon wu'ne ntzajle-ne matok c'ua'lx kine. Xitzun tque'yin Jesús twitz, ex tc'ujla, ex xi tma'n te: —Atx jun tu'n tbant tu'na: cu txi'ya, c'ayinxá tcyakil-ju at teya, ex k'onxa cye meba, cteltzun tk'inumabla tuj cya'j; cu tzajtzuna, k'im tcrusa ex lpe'ca wi'je. Pero atzunte cu'xun tzajxix tbis tu'nu yol lu', ajtzun meltz'aj in bisun, porque attok nim tk'inumabl.

—Marcos 10:17-22

Pero el chic'e' tu'n tipumal Dios ka Tc'ua'l Dioste. Ate Xeubaj Xjan tzaj chic'bante tej tjatz ank'in Jesús cyxol cyimni.

—Rom 1:4

Tejtzun tbaj tma'n Jesús jlu', jau tk'ajk'ajel twi' cyuwixix, tma: —¡Cu tetza, Lázaro ! Etztzun ju cyimni, baltz'i'ntok tk'ab tu'n xbalun tuc'ix tkan, ex potzin twitz tu'n jun c'albil. Xitzun tma'n Jesús cye xjal: —Cypaju'mele ex cytzokpinxe. —Juan 11:43, 44

Ex pon lk'e' Jesús oc tmco'n ju cax; bi'x e we' keju xjal ikal te. Ex xi tma'n Jesús te ju cu'xun: —¡We'ctza, k'a! Jautzun ke' ju

cu'xun otok cyim nej, ex oc ten yollit. —Lucas 7:14, 15a

Tu'ntzunju in chin c'ujlanjtze tu'n Nmane, porque in xi nk'on wibe tu'n ncyime ex oc chin jawil ank'ine juntl maj. Mix alo quelel k'inte nchwinklale, wu'nx wibe cx-el nk'on wibe tu'n ncyime. At woclene tu'n t-xi nk'on wibe tu'n ncyime, ex at woclene tu'n njau ank'i-ne. Atzun mandamient jlu' ma nc'ame te Nmane.

—Juan 10:17, 18

Ex itz' kine; in cyime, pero ja'lo itz' kine te jumajx; ex tuj nk'abe ta' ke tal ja te camic ex te cynajbil cyimni. —Apocalipsis 1:18

Ate Kajau Kdios, o'cxcu jun Kajau. Cyc'ujlamtzune Kajau, aju Cydiose, tu'n teyakil cyanmiye, ex tu'n teyakil cyc'u'je, ex tu'n teyakil cynable, ex tu'n teyakil cyipumale. Atzun tnejel mandamiento jlu' ma'xix toclen. Ex aju tcabin mandamiento icx tten ic tza'n ju tnejel, atzun jlu': Cyc'ujlame cyuc'ile icx tza'nx cyeye in cyc'ujlan cyibe. Minti juntl mandamiento mas nim toclen cywitz jlu'.
—Marcos 12:29b-31

Xi tma'n Jesús te: —Cyc'ujlame Kajau, aju Cydiose, tu'n teyakil cyanmiye ex tu'n teyakil cyc'u'je ex tu'n teyakil cynable. Atzun tnejel mandamiento jlu' ma'xix to-

len. Ex aju tcabin mandamiento icx tten ic tza'n tnejel, in tma'n: Cyc'ujlame ke cyuc'ile ic tza'nx cyeye in cyc'ujlan cyibe. Akeju ca-be mandamiento lu' atzun ttxuylal tley Moisés ex ttxuylal cyyol ke tsanjel Dios. —Matey 22:37-40

Cxel nk'o'ne jun ac'aj mandamiento cyeye: tu'n cyc'ujlante cyibe cyxolxe; ic tza'n weye ma che nc'ujlaye, icxtzun cyeye tu'n cyc'ujlante cyibe cyxolxe.

—Juan 13:34

Atzun nmandamiento jlu': tu'n cyc'ujlante cyibe cyxolxe, ic tza'n weye ma che nc'ujlaye.

—Juan 15:12

Ex minti jun tch'isben Dios mi-wt k'ancha'l twitz, ex minti jun maksi'n; teyakil k'ancha'l twitz Dios ja tuma tu'n kpon k'ol tajlal.

—Ebrey 4:13

Porque tcyakilju e'wan ctzajel yec'un, ex tcyakilju at tuj ewaj quelel nic'baj ti'j ex quelel chic'e'.

—Lucas 8:17

Aju Dios binchante tx'otx' ex tcyakilju at twitz, tajau cya'j ex tajau tx'otx', mya ax najl tuj jun ja cybinchben xjal. . . . Ex junx xjal tbincha Dios te cyiyil cycyakil xjal tu'n cyten tuj tcyakil twitz tx'otx', ex cyaj techan Dios cyk'i-jlalil ex tmojonil cynajbil; tu'ntzun cyjyonte Dios, cheba

xmacan cyu'n tu'n tcenet, ba'nwtlo mya najchak ta' Dios ttxlaj junjun ke. Porque tu'n Dios itz' ko', ex tu'n in ko yucch, ex tu'n ato'.

—Cybinchben Apostl 17:24-28a

Ex juntl maj in tma'n: Ojtzki'n tu'n Kajau aju cyximbetz ke aj nabl, mixti tajben. —1 Corint 3:20

Cyja'tzun mi'n txi cyma'n naje jun cyyole ti'j juntl, che ayone ti'j Kajau oc tul, ate cchic'balte aju e'wan tuj klolj, ex quelel tuj k'ancha'l tu'n aju t-ximabetz cyanmi xjal; entons teyile junjun oc tc'ma' ju nimbil te tu'n Dios.

—1 Corint 4:5

MA CHE'X TUJ NAJEN TE JUNMAJX KE MYA OCSLAL TI'J CRIST

Ayine sc'o'maj kine tu'n Dios tu'n ntene cyuc'il xjal, che tzajel nsama'ne ke n-anjele, ex quelex cyi'n tuj ncaubile tcyakilju in che cub tz'ak xjal tuj il cyu'n, cyuc'ix keju in cybincha'n mya ba'n. Ex che oquex k'o'n tuj jorni in c'ant tu'n k'ak'; atzun ctzajel ok'el ex ckitx'itx'il t-xe' cye' xjal.

—Matey 13:41, 42

Pero atzun ju cya'j tuc'ix ju tx'otx' at ja'lo, tzyu'n ke tu'nx tyol Dios, c'u'n ke tu'n cyoex tuj k'ak' tuj tk'ijlalil juisi ex tuj tk'ijlalil oc cynaj ke xjal mya nimal Dios ke.

—2 Pedro 3:7

Ctzajel k'o'n cycastiw jlu' tu'n cynaj te jumajx, bi'x che elel k'i'n twitz Kajau, mlay che ten twitz, tu'nju at nim tipumal ex in kop-tz'aj tspic'umal. —2 Tesalonica 1:9

Cyja'tzun, ka tu'n tk'aba ex·ka tu'n tkana cbel tz'aka tuj il, tx'e-min ela ex xo'mixa; porque mas ba'n tu'n tocxa ja tuma ta' chwinklal coxa ex ḥtunca, mas ba'n jlu' twitzju tu'n tten cabe tk'aba ex cabe tkana ex tu'n t-xi xo'na tuj k'ak' te jumajx. —Matey 18:8

Che xe'litzun jlu' tuj castiw te jumajx, atzun keju tz'aklxix che xe'l tuj ju chwinklal te jumajx.

—Matey 25:46

IN LAK'E' TTZAJ TU'N CYOC XJAL TUJ XJEL 23 TU'N DIOS

Porque ma cyaj techan Dios jun k'ij tu'n cyoc cycyakil xjal tuj xjel tuj tu'melxix tu'n jun xinak, aju ma tz'oc tk'o'n Dios te jue; ex ma tzaj tyec'un cye cycyakil xjal ka ax toc, tu'nju ma jau ank'in tu'n cyxol cyimni, chi Pablo xi tma'n cye. —Cybinchben Apostl 17:31

Cyja'tzun, at tipumal Kajau tu'n cyclet ke nimal Dios oc cyoc tuj joybil cyi'j, ex at tipumal tu'n cycub tzyu'n ke xjal mya tz'aklxix ex bi'x tu'n tcub cycastiw acutzun inul canun tk'ijlalil juisi.

—2 Pedro 2:9

Tu'n jlu' in tz'aket-xix kc'ujlalil tu'ntzun tke'xix kc'u'j oc tul tk'i-

jlalil juisi; ex oc kebil kc'u'j, porque ic tza'n tten Jesucrist, icxtzun ktenju tzalu twitz tx'otx'.

—1 Juan 4:17

Ex ic tza'n cyajni bant ti'j tu'n cycyim xjal nok junx maj, ex cycyimlenxitzun che oquel tuj xjel.

—Ebrey 9:27

Porque il ti'j tu'n kten kcyakil twitz Crist tu'n koc tuj xjel, tu'n te'monte teyile junjun t-xel alcyaju tbinchben o tbincha twitz tx'o-tx', ka ba'n ex ka mya ba'n.

—2 Corint 5:10

Cyja'tzun, teyile junjun ke oc tk'a' tajlal twitz Dios ti'jx.

—Rom 14:12

AJU T-XTALBIL JESUCRIST

Cyja'tzun, mya tu'nju tajbil xjal, ex mya tu'nju in tipumalin tib, o'cx tu'nju in k'ak'an tc'u'j Dios ti'j.

—Rom 9:16

At tk'oj Dios cyi'j keju in jau cyniman cyib, pero atzun cyeju mans, in tk'o'n t-xtalbil cye.

—1 Pedro 5:5b

Porque ma tz'el cynic'e ti'j t-xtalbil Kajau Jesucrist; maseye k'inun tok nej, pero oc te meba xjal nok tu'nju at tc'ujlalil cyi'je, oc te meba xjal tu'ntzun cyoque te k'inun tu'n.

—2 Corint 8:9

Ax icextzun mas nimxix t-xtalbil Dios tzaj tk'o'n. Ic tza'n e cyaj xjal tjak' tipumal il ex tu'n cycyim, ax icextzun te Dios t-xtal-

bil at tipumal tu'n kc'met tu'n, ex tu'n tten kchwinklal te jumajx nok tu'n Jesucrist aju Kajau.

—Rom 5:20b, 21

Pero aju toyaj Dios nok cucx, mya ic tten ic tza'n til Adán. Porque nok tu'n til junx xjal nimcu xjal e baj cyim; pero mas nim aju t-xtalbil Dios in tzaj tk'o'n ke, porque nok cucx ma tzaj tk'o'n jun colbil cye nimcu xjal nok tu'n t-xtalbil junx xjal, a Jesucrist.

—Rom 5:15

Ex nim tipumal cyyol apostl, in cythic'ba'n ka axix toc otok jatz ank'in Kajau Jesús; ex nimxix t-xtalbil Dios cub ten cyibaj.

—Cybinchben Apostl 4:33

Pero minti cub tk'o'n Dios tcu-
ent ti'j cyk'ijlalil xjal ojtxi minti
el cynic' ti'j; pero atzun ja'lo ma
tzaj tma'n Dios tu'n tajtz ti'j cya-
nmi cycyakil xjal tuj tcyakil lu-
gar. —Cybinchben Apostl 17:30

Cxel nma'ne cyeye: Mi'n; icx
cyeye, ka minti ma tz'ajtz ti'j cyan-
miye, oc che najele cycyakile.

—Lucas 13:3

In tma'n cye xjal: —Cu tajtz ti'j
cyanmiye, porque ma tzul lk'e' ju
caubil in tzaj tuj cya'j, chi Juan.

—Matey 3:2

Atzunte Pedro xi tma'n cye:
—Cu tajtz ti'j cyanmiye ex tu'n
tbyan teyile junjun tuj a' tuj tbi
Jesucrist, tu'n tnajset cyile; cyja'-

tzun ctzajel tk'o'n Dios ju Xeubaj
Xjan cyeye te jun oyaj. Cu taj-
tztzun ti'j cyanmiye, ex tu'n cyaj-
tz meltz'aje tuc'il Dios tu'n tcub
najset cyile; tu'ntzun ttzaj tk'o'n
Kajau tk'ijlalil chewsabl.

—Cybinchben Apostl 2:38, 3:19

Porque aju kbis in tzaj ic tza'nx
tajbil Dios, inajtz ti'j kanmi tu'n
tu'n kclet, ex mlay tzajtl kbis ti'j;
pero atzun cye xjal cybis, in tzaj
camic tu'n.

—2 Corint 7:10

Ietzun cxel nma'ne cyeye: Mas
che tzalajel keju ate' tuj cya'j ti'j
jun aj il ka ma tz'ajtz ti'j tanmi,
cywitz keju noventa y nueve xjal
tz'akl ke'xix, keju minti cyaj ti'j
tu'n tajtz ti'j cyanmi. —Lucas 15:7

**Porque ka ma cub cynajsa'ne
aju mya ba'n in cybincha'n xjal
cyi'je; ax icx cbel najsan cyile
tu'n Cymane aju at tuj cya'j.**

—Matey 6:14

**Tejtzun tlonte Jesús ka at cyoc-
slabl xjal lu', xi tma'n te ju yab:
—Nc'ua'l, ke tila ma che najset.**

—Marcos 2:5

... in xi kma'ne tkanil cyeye,
nok tu'n Jesús cnajsetel cyile. Ate
jlu' ma jau tnimsa'n Dios, ma cub
tk'o'n ttxlaj tuj bank'abaj tu'n toc
te Nejenel ex Colol, tu'ntzun tajtz
ti'j cyanmi aj Israel ex tu'n tna-
jset cyl.

—Cybinchben Apostl 13:38b; 5:31

**Lu kine atine ttzi ja ex in chin
k'ajtzane; ka at jun ma binte tk'aj-
k'ajel nwiye ex ka ma tz'ocx tja-
ko'n tlamel ja, chin oquexe tuc'il,
ex chin wa'le tuc'il ax icx te cwa'l
wuc'ile.**

—Apocalipsis 3:20

**Ex tu'n t-xi k'o'n cyoclene tu'n
t-xi cypacbane jlu' cye xjal tuj
teyakil nasyon, tu'ntzun tajtz ti'j
cyanmi xjal ex tu'n tnajset cyl,
ex tu'n t-xi xe't ju cypacbable tuj
tnam Jerusalén.**

—Lucas 24:47

**Pero ka ma jatz kpa'n kil twitz
Dios, ate Dios tz'aklxix ex ba'n
tu'n tke' kc'u'j ti'j, cnajsetel kil
tu'n ex quelel ttx'jo'n teyakil mya
ba'n tuj kanmi.**

—1 Juan 1:9

TU'N TEL KPA'N KIB TI'J TCYAKIL ACHBIL 27 TWITZ TX'OTX'

Porque ma tzaj tyec'un Dios t-xtalbil cye cycyakil xjal tza'n tten tu'n cyclet. In tk'o'n t-xtalbil Dios xnak'tzbil ke tu'n teyaj kco'lin aju mya ba'n ex aju achbil twitz tx'otx' ex tu'n tten knabl tuj tk'ijlalil ja'lo, ex tu'n kbet tuj tu'melxix, ex tu'n kniman Dios.

—Tito 2:11, 12

Ex mi'n tz'oc cyk'on cyibe ti'j ju in binchanjtz tuj klolj minti jun ba'n in tk'o'n, nok o'cx tu'n t-xi cymayo'ne.

—Efeso 5:11

Mi'n cyc'ujlaye aju achbil te twitz tx'otx', mi jun ti'xti at twitz tx'otx'. Ka at jun xjal in tc'ujla'n

aju achbil te twitz tx'otx', minti tc'ujlalil tuj tanmi ti'j Kman Dios. Porque tcyakil ju at twitz tx'otx', aju tajbil kchibjal mya ba'n, ex ju tajbil tbak' kwitz, ex ju knimbil kib tuj kchwinklal, myatzun te Kman Dios jlu', nok o'cx te twitz tx'otx'.

—1 Juan 2:15, 16

¡Akeye ic cytene ic tza'n jun xu'j at tchmil, pero mas at tgann ti'j juntl! ¿Mipeti bi'n cyu'ne, ka ma cyc'ujlaye aju achbil twitz tx'otx', che oquele aj k'oj ti'j Dios? Cyja'tzun, alcye jun xjal taj tu'n tc'ujlante ju achbil twitz tx'otx', inoc tk'on tib aj k'oj ti'j Dios.

—Santiago 4:4

Bi'n cyu'ne ka ate Crist tz'aklxix, ax icx tz'elx cynic'e ti'j aju xjal in tbincha'n aju tz'aklxix, tc'ua'l Dios te. . . . Bi'n ku'n keju ma che oc te tc'ua'l Dios, minti in che binchan il; porque cuentin ke tu'n ju Tc'ua'l Dios, ex minti in che tzyet tu'n tajau il.

—1 Juan 2:29; 5:18

Cyja'tzun ka at jun xjal ma tmojba tib tuc'il Crist, ma tz'oc te ac'aj; tcyakilju te ojtxi ma baj; tcyakil ma tz'oc te ac'aj.

—2 Corint 5:17

Xi ttzak'we'n Jesús:—Ax toc cxel nma'ne teya, alcye minti ma tz'itz'j tcabmaji'n, mlayx bant tlonte tcaubil Dios. —Juan 3:3

Pero ma che tx'jete ja'lo, ex ma che el pa'ne tu'n Dios tu'n cyajbenne o'cx te, ex ma che c'mete tu'n Dios nok tu'n Kajau Jesús ex tu'n T-xeu Kdios. —1 Corint 6:11b

Ma che itz'je te tcabmaji'n; pero mya ti'j jun xjal ma che el itz'je, aju cnajel, nok o'cx ma che el itz'je ti'j jun iyaj mlay naj; aju iyaj lu' atzun tyol Dios ju, itz' ex cucxtten te jumajx. —1 Pedro 1:23

Ate elek' nok elk'al inul ex byol cye xne'l ex najsal cye; atzun weye ma chinule tu'n tten cychwinklal ex nimxix cychwinklal tu'n tten. —Juan 10:10

CYIMNI KO TUJ IL—ITZ' KO TU'N KAJBEN 29 TE CRIST

Ma tzaj tk'o'n Dios cychwinklale porque cyimni keye nej tu'n tlaj cyile ex cybinchbene mya ba'n. . . Ex ma ko jau ank'in tu'n Dios junx tuc'il Crist, ax icx ma ko cub tk'ukba'n tuj cya'j junx tuc'il Jesucrist.

—Efeso 2:1 ex 6

Ax Jesucrist xi ikante kil tej tjau k'o'n t-ximlal twitz crus, tu'ntzun koc ic tza'n cyimni tu'n mi'n kbinchan il, ex tu'n kank'in tu'n kbinchante ju tz'aklxix.

—1 Pedro 2:24a

Katzun ma che jau ank'ine tuc'il Crist, cyk'o'nc cyximbetze ti'j ju at tuj cya'j, ja tuma ta' Crist k'ukl ttxlaj Dios tuj bank'abaj.

O'cx che ximane ti'j ju at tuj cya'j, mya aju at twitz tx'otx'. Porque o che cyime, ex aju cychwinklale e'wan junx tuc'il Crist tuj tcuent Dios.

—Colosas 3:1-3

Ex akeju oeslal ke ti'j Crist, o cub cynajsa'n aju tajbil cychibjal tuc'ix ju tachbil tuc'ix ju in pon cyc'u'j ti'j. Ka at kchwinklal tu'n Xeubaj Xjan, ax icx ko bet ic tza'-nx in tma'n Xeubaj Xjan.

—Galasia 5:24, 25

Cyximancuye ka ax toc mintitl toclen il cyi'je, porque ic tza'n cyimni keye, pero itz' keye te Dios tu'n ju cymojbabl cyibe tuc'il Jesucrist aju Kajau.

—Rom 6:11b

Porque aju xjal in tbincha'n tajbil tchibjal, oc cnajel tu'n tajbil tchibjal. Atzunju in tbincha'n tajbil Xeubaj Xjan, ctel tchwinklal te jumajx tu'n Xeubaj Xjan.

—Galasia 6:8

Ic tza'nte Moisés jax tk'o'n ju lobaj twi' tze' tuj lugar minti cynajbil xjal tuj, icxtzun weye ilxix ti'j tu'n njax k'o'ne, ayine sc'o'maj kine tu'n Dios tu'n ntene cyuc'il xjal, tu'ntzun mi'n cytz'pet cycyakil keju ma che ocslan wi'je, nok o'cx tu'n tten cychwinklal te jumajx.

—Juan 3:14, 15

Alcye inocsłan ti'j Tc'ua'l Dios, at tchwinklal te jumajx; atzunju

tc'i' tz'ocsłan ti'j Tc'ua'l Dios, mlayx ten tchwinklal, nok o'cx cbel ten jun tcastiw ·ma'xix tu'n Dios.

—Juan 3:36

Porque aju chojbil ke in tzaj tk'o'n il, tu'n kcyim; atzunju oyaj in tzaj tk'o'n Dios ke, tu'n tten kchwinklal te jumajx tu'n kmojbabl kib tuc'il Jesucrist aju Kajau.

—Rom 6:23

Ax toc cxel nma'ne cyeye, alcyeju ma txi tbi'n nyole ex ma tz'ocsłan ti'j ju tzaj samante weye, at tchwinklal te jumajx; ex mlay cub t-sentens, porque ma tz'etz tuj camic, ma pon tuj chwinklal.

—Juan 5:24

AXIX TOC AT KCHWINKLAL TE JUNMAJX 31

Porque axte Xeubaj Xjan tuc'ix
kanmi in cyma'n ka tc'ua'l Dios
ko'.
—Rom 8:16

Atzunju yol lu' tzaj tchic'ba'n
Dios ke: ma tzaj tk'o'n Dios
kchwinklal te jumajx, ex aju
chwinklal lu' tu'n ju Tc'ua'l in
tzaj tk'o'n. Alcye at Tc'ua'l Dios
tuc'il, at tchwinklal; pero alcye
minti Tc'ua'l Dios tuc'il, minti
tchwinklal. Tcyakil jlu' ma txi
ntz'ibane cyeye, akeye ma che
ocslane ti'j Tc'ua'l Dios, tu'ntzun
cybinteye ka at cychwinklale te
jumajx.
—1 Juan 5:11-13

Aju xjal ojtzki'n keju nmanda-
miente tu'n ex in che japon tu'n,
atzunju in chin c'ujlanjtze tu'n; ex

aju xjal in chin c'ujlanjtze tu'n, oc
c'ujlanjtzel tu'n Nmane, ax icx
weye oc nc'ujlaye, ex cxel nyec'un
wibe te, chi Jesús xi tma'n cye.

—Juan 14:21

Ex tu'nju tc'ua'l Dios keye, cy-
ja'tzun ma tzaj tsama'n Dios
T-xeu Tc'ua'l tuj cyanmiye; ex in
tma'n Xeubaj tuj cyanmiye te
Kman Dios: Tat-ch. —Galasia 4:6

Tu'ntzun jlu' inel knic' ti'j ka ax
najl ko' tuc'il Dios, ax icx te najl
tuj kanmi, porque ma tzaj tk'o'n
Dios ju T-xeu ke.
—1 Juan 4:13

Ka ma japon ju tmandamient
Dios ku'n, tu'ntzunju in ke'xix
kc'u'j ti'j ka ojtzki'n Dios ku'n.

—1 Juan 2:3

OC AT CRIST TUJ KANMI AXIX TOC AT TZALAJBIL

Ja'lotzun chin xe'le tuc'ila; pero in xi nma'ne jlu' cye atinxex twitz tx'otx', tu'ntzun cytzalajxix wuc'ile.

—Juan 17:13

Pero oc che wila'ye juntl maj, entons oc ctzalajel cyanmiye, ex mix alo jun quelel k'inte tzalajbil tuj cyanmiye.

—Juan 16:22b,

Porque aju tcaubil Dios myatzun a tnabl ti'j kchi' ex ka ti'j kc'a', nok o'cx tu'n kten tz'aklxix ex tuj kmojbabl kib kxol ex tuj tzalajbil tu'n Xeubaj Xjan.

—Rom 14:17

Junx ma chin jau k'o'ne tuc'il Crist twitz crus, ex mya wu'nx wi-

be in chin ank'ine, ate Crist najl tuj wanmiye ex in tzaj tk'o'n nchwinklale ja'lo tu'n wank'ine twitz tx'otx' nok tu'n wocslable ti'j Tc'ua'l Dios, in c'ujlanjtze tu'n ex xi tk'on tib tu'n teyim tu'ntzun nclete.

—Galasia 2:20

Tcyakil jlu' ma txi nma'ne cyeye tu'ntzun cytzalaje junx wuc'ile ex tu'n cytzalaje nimxix.

—Juan 15:11

Na'mx cylonteye Jesucrist, pero at cyc'ujlalile ti'j. Mascye minti ma cyile ja'lo, pero ma che ocslane ti'j; cyja'tzun in che tzalaje nimxix minti juntl tzalajbil icju.

—1 Pedro 1:8

¿Mipetzun bi'n cyu'ne? Ka ma txi cyk'on cyibe te juntl tu'n cyoque te tmajen tu'n t-xi cynimane, majen keye teju in xi cynimane; ka ma txi cynimane ju il, camic in tzaj tu'n; ex ka ma txi cynimane tyol Dios, che oquel k'o'ne te tz'ak-lxix tu'n.

—Rom 6:16

Ex tuj tu'melxix ctzajel tk'o'n Dios ojlabl cyeye, akeye in che ya-jlanjtze, tu'n cyoqlane junx kuc'ile oc tyec'unte tib Kajau Jesús, ctzajel tuj cya'j cyuc'ix ke t-anjel at nim cyipumal, ex in c'ant tkan k'ak' cyi'j. Tzul k'olte castiw cye-ju minti ojtzki'n Dios cyu'n, ex minti in xi cyniman aju tkanol jun colbil tu'n Kajau Jesucrist. Ctzaj-

el k'o'n cycastiw jlu' tu'n cynaj te jumajx, bi'x che elel k'i'n twitz Kajau, mlay che ten twitz, tu'nju at nim tipumal ex in koptz'aj tspi-c'umal.

—2 Tesalonica 1:7-9

Porque mya keju bil ley oc che c'metel tu'n Dios; nok o'cx keju nimal ley oc che c'metel tu'n Dios.

—Rom 2:13

At tzalajbil cyeju inel cytx'jo'n ti'j cyxbalun, tu'ntzun tten cyoc-len ti'j ju tze' te chwinklal, ex tu'n cyocx ttzi tpuertil tnam.

—Apocalipsis 22:14

Ex tu'nju oc te tz'aklxix, cyja'-tzun oc binchalte colbil te jumajx cye cyeyakilju in che niman te.

—Ebrey 5:9

ILXIX TI'J TU'N KCHIC'BANTE TKANIL TI'J CRIST

Ex tu'n cymante cyakyil: Ax toc, ate Jesucrist Kajau, tu'ntzun tjau nimsa'n tbi Kman Dios.

—Filipos 2:11

Teyakilju minti in cub tewan, in tma'n cye xjal ka ax toc oeslal wi'je, as icx weye mlay cub wewane, cxel nma'ne te Nmane aju at tuj cya'j ka ax toc oeslal wi'je. Pero ka at jun xjal in cub tewan cywitz xjal ka minti ojtzki'n kine tu'n, ax icx weye cbel wewane twitz Nmane aju at tuj cya'j ka minti ojtzki'n xjal wu'ne. —Matey 10:32, 33

Ka in tchic'ba'na tu'n ttziya ka a Jesús Kajau, ex ka ma tocslaya tuj tanmiya ka a Dios jatz k'inte

cyxol cyimni, oc cletela. Porque tuj kanmi in xi kocsla'n tu'n kc'met tu'n Dios, ex in kchic'ba'n tu'n ktzi' ka a Jesús Kajau tu'n kclet.

—Rom 10:9, 10

Aju xjal ic'un Tc'ua'l Dios tu'n, minti Kman Dios tuc'il; pero alcye jun xjal in tchic'ba'n ka ax toc oeslal ti'j Tc'ua'l Dios, ax icx at Kman Dios tuc'il. —1 Juan 2:23

Porque alcye ma ch'ixwi wi'je ex ti'j nyole, ti'j jlu' oc chin jawil ch'ixwiye oc wule otok chin oque rey, ayine sc'o'maj kine tu'n Dios tu'n ntene cyuc'il xjal, chinule tuj tspic'umal Nmane ex tuj cyspic'u-mal ke anjel xjan. ---Lucas 9:26

Tenx cynable, ex che xk'ukine; porque ate tajau il aj k'oj cyi'je, ex in bet cyi'jele, in tzanun ic tza'n jun balun, in tjyo'n alcye jun tu'n t-xi tchyo'n.

—1 Pedro 5:8

Cxeltzun nsama'ne tu'n tjkonteya cywitz, tu'n cyetz tuj klolj ex tu'n cyul tuj spic'un, ex tu'n cyetz tjak' tipumal Satanás tu'n cyul tuc'il Dios; ex tu'n cyocslan wi'je tu'ntzun tcub najset cyil ex tu'n cyc'monte jun etzbil cyxol keju pa'maj ke tu'n Dios tu'n cyajben o'cx te.

—Cybinchben Apostl 26:18

Xitzun k'i'n Jesús tu'n Xeubaj Xjan tuj lugar minti cynajbil xjal

tuj, tu'n toc tuj joybil ti'j tu'n tajau il. Xitzun tma'n Jesús te:—Cu txi'ya, Satanás, porque at jun yol in tma'n tuj Tu'jil: Twitz Kajau tu'n cyc'ulune, aju Cydiose, ex o'cx te tu'n cyajbenaye. Cyajtzun k'o'n Jesús tu'n tajau il; ex e ul ke anjel tuc'il Jesús tu'n cyajben te.

—Matey 4:1 ex 10, 11

Ja'lotzun, ermann, cycyuwsam cyibe tu'nju at cymojbabl cyibe tuc'il Kajau, ex tz'ocwit cyipune tu'nju tipumal nimxix. Cyk'o'nze que cyi'je tcyakilju inajben te k'ojbil aju ma tzaj tk'o'n Dios cye-ye, tu'ntzun cywe'xixe twitz ju sbUBL tu'n tajau il. —Efeso 6:10, 11

Ic tza'n cye c'ua'labaj junx cychibjal ex junx cychc'el, ax icx te Crist oe te xjal, at tchibjal ex tchc'el ic tza'n cye, tu'ntzun tnaj tipumal tajau camic, aju tajau il, tu'nju o cyim Crist. —Ebrey 2:14

Pero alcyeyeju in binchan il, te tajau ilte; porque ate tajau il in binchan il tzajnix bant atxix t-xe tnejel. Tu'ntzun tlaj jlu' ul aj Te'ua'l Dios twitz tx'otx' tu'ntzun tcub xitj teyakil tak'unben tajau il.

—1 Juan 3:8

¿Alcyeye ba'n tel pa'nte ke ti'j tc'ujlalil Crist? ¿Apelo ju yajbil ke, ex ka c'ixc'oj, ex ka ic'bil, ex ka we'yaj, ex ka tu'n kxbalun minti', ex ka xobajil, ex ka tu'n

kcyim? Mascye icju, pero tujtzun teyakil jlu' in cubxix cyi'j ku'n nok tu'n Crist aju o ko tc'ujla.

—Rom 8:35 ex 37

Cyk'onxtzun cyibe tjak' tcaubil Dios. Che we'xixe twitz ju tajau il, ex queleltzun ok cywitze. Che lk'e-xe ttxlaj Dios, ax icx te ctzajel lk'e' cyuc'ile. —Santiago 4:7, 8a

Maxitzun c-yec'etel ju xjal binchal ilxix, pero cbeltzun byo'n jlu' tu'n Kajau tu'n ju t-xeu inetz tuj ttzi', ex bi'x cnajel tu'n tspic'umal Kajau oc tul. Tu'n Satanás tzulte xjal lu', aju binchal ilxix, nim tipumal ex oc tbincha' ke señ tuc'ix tbinchben nim tipumal, pero mya ax toc. —2 Tesalonica 2:8, 9

Ka ma ko yolin tuj junxilchak cyyol xjal ex ka tuj cyyol anjel, pero ka minti kc'ujlalil, ko oquel ic tza'n c'uxbil in tzinun ex ka ic tza'n jun c'uxbil tmoj chnab nim in k'ajt.

—1 Corint 13:1

Pero atzunju in tk'o'n Xeubaj Xjan, atzun jlu': tu'n tten kc'ujlalil, ex tu'n ktzalaj, ex tu'n tten kmojbabl kib, ex tu'n tten kpabsens, ex tu'n kbinchante xtalbil te juntl, ex tu'n tten kbanil, ex tu'n kwe'xix tuj kocslabl, ex tu'n kocmans, ex tu'n kjac'unte kib.

—Galasia 5:22, 23a

Pero ka at jun xjal in tma'n: In nc'ujla'ne Dios, ka chi, ex ka inel

tic'un termann, nic'al yolte; porque ka minti in tc'ujla'n xjal termann, aju inoc tque'yin, ax mlay bant tu'n tc'ujlanjtz Dios tu'n, aju na'mx toc tque'yin. —1 Juan 4:20

Ka ma chin cyc'ujlaye, japunx cyu'ne ke nmandamiento.

—Juan 14:15

Ka ma cyc'ujla cyibe cyxolxe, tu'ntzun jlu' quelel cynic' cycyakil xjal cyi'je ka nxnak'tzben keye.

—Juan 13:35

Bi'n ku'n ma ko etz tuj camic, ma ko ul tuj chwinklal, porque in che kc'ujla'n ke ermann. Alcye minti in te'ujla'n termann, ax ta' tuj camic.

—1 Juan 3:14

TJATZLEN ANK'IN JESUCRIST

Ex ax keko' testiw ti'j tcyakilju o tbincha Jesús tuj tx'otx' Judey ex tuj tnam Jerusalén; cubtzun byo'n cyu'n xjal, jau cyyoban twitz crus. Pero tuj toxin k'ij jatz ank'in tu'n Dios, ex tma Dios tu'n tcub tyec'un tib Jesús kwitze. Mya cywitz cycyakil xjal cub tye-c'un tib, nok o'cx kwitze, ako'ye se'o'maj tu'n Dios tu'n koque te testiw ti'j, porque o ko wa'ne tuc'il ex o ko c'ane tuc'il tjatzlenxi ank'in cyxol cyimni.

—Cybinchben Apostl 10:39-41

Tejtzun tjau ank'in Jesús prim-xix tuj tnejel k'ij te seman, tnejel-xix cub tyec'un tib twitz Mariy

aj Magdala, aju otok che etz wuk ju'x tuj tanmi tu'n Jesús.

—Marcos 16:9

Tbajlenxitzun wajxak k'ij, ate'tok juntl maj ke t-xnak'tzben Jesús tuja, ex tuc'ix Tomás at cyuc'il. Mascye lamo'n ke puert, pero pon Jesús, ex cub we' cyxol, xi tma'n cye: —Ke' cyc'u'je. Ex xi tma'n naj Jesús te Tomás: —K'o'netz tal tk'aba tzalu', ex que'yinca ke nk'abe; ex k'ontz tk'aba, k'o'nctza tuj nxuque. Mi'n tz'oca mya ocslal, nok o'cx tu'n toca ocslal. Xitzun ttzak'we'n Tomás:—Aya Wajawe ex aya Ndi-ose.

—Juan 20:26-28

AJU TJATZLEN ANK'IN JESUS ATZUN K'UKBABL KC'U'J MA'XIX

39

Mi'n che labine ti'j jlu'; porque tzul tk'ijlalil cycyakil xjal maku'n tuj camposant oc cybi' tk'ajk'ajel nwi'ye ayine C'ua'labaj, ex oc che jawitz ank'in tuj mukbil. Akeju o cybincha ba'n, oc che jawil ank'in tu'n tten cychwinklal, ex atzun keju o cybincha mya ba'n, oc che jawil ank'in tu'n tcub cysentens.

—Juan 5:28, 29

¿Mipeti bi'n cyu'ne, ic tza'n ke o ko byan tuj tbi Jesucrist, o ko oc mojba'n tuc'il Crist ex at koclen ti'j tcamic? Porque tej tcyim Crist ex cu'x maku'n, icxtzun keju tej kbyan mer ic tza'n o ko cyim ex o ko cu'x maku'n junx tuc'il, porque

o ko oc mojba'n tuc'il. Ic tza'n te Crist o jatz ank'in cyxol cyimni tu'n tipumal Mambaj, ax icxtzun ke tu'n kbet tuj ac'aj kchwinklal. Porque ka ma ko oc mojba'n tuc'il Crist tu'n kcyim junx tuc'il, ax icx oc ko jawil ank'in junx tuc'il.

—Rom 6:3-5

Katzun najl ju T-xeu Dios tuj cyanmiye, aju Dios jatz ank'in Jesús tu'n cyxol cyimni, ax icx cye ye oc cjawil ank'in cyximlale tu'n, aju at tcyimel. Nok tu'nu T-xeu Dios najl tuj cyanmiye cjawil ank'in, ic tza'n o jatz ank'in Jesucrist tu'n cyxol cyimni. —Rom 8:11

Ka tu'n kclet tu'n tuj cyk'ab ke-
ju aj k'oj ki'j, tu'ntzun kajben te
Dios minti kxobil, tu'n koc xjan
ex tz'aklxix twitz Dios tcyakil k'ij
te kank'ibl.

—Lucas 1:74, 75

Akeye ermann, at nc'u'je cyi'je,
atzun ju yol lu' tzaj ttziyin Dios
ke. Cyja'tzun ktx'jo'mel teyakilju
in tz'ilsante kchibjal ex in tz'ilsan-
te kanmi; ex atwit tchi Dios tuj
kwitz ex tu'n ttz'aket-xix ku'n
bi'x tu'n t-xi kk'on kib te Dios
tu'n kajben o'cx te. —2 Corint 7:1

Ax toc in che byane tuj a' wu'ne
tu'nju ma tz'ajtz ti'j cyanmiye;
pero aju lepchix ttzaj wi'je, oc
che byale tu'n tu'n Xeubaj Xjan

ex tu'n k'ak'; porque mas at tipu-
mal nwitze, ex mya ba'n kine tu'n
tel wi'ne t-xajab ti'j tkan.

—Matey 3:11

Ma che jau sc'o'ne tu'n Kman
Dios tu'nju xima'maj tu'n ojtxi,
ex pa'maj keye tu'n Xeubaj Xjan
tu'n cyajbene o'cx te Dios, ex tu'n
t-xi cynimane, ex tu'n tsakix tuj
cyanmiye tu'n tchc'el Crist el chi-
tj.

—1 Pedro 1:2a

Cyja'tzun, ka at jun cucx tten
tx'jo'n tib ex minti in tz'ilix tu'n
tcyakil jlu', coquel te jun macbil
tbanilxix tecuxix Kajau ex at taj-
ben te Kajau, ex banni tten tu'n
tajben tuj tcyakil ak'untl ba'n.

—2 Timotey 2:21

Cyja'tzun o ko jau tsc'o'n atxix na'mxtok tbant twitz tx'otx' tu'n kten tuc'il Crist, ex tu'n kajben o'cx te, ex tu'n kten twitz minti ch'in tz'il ki'j. Ex cyk'o'nque cyi'je aju ac'aj cytene, porque o che binchanjtze tu'n cyoque ic tza'n tilbilal Dios, tu'n cyoque tz'aklxix ex xjan tu'nju yol axix toc.

—Efeso 1:4; 4:24

Pero ka ma jatz kpa'n kil twitz Dios, ate Dios tz'aklxix ex ba'n tu'n tke' kc'u'j ti'j, cnajsetel kil tu'n ex quelel ttx'jo'n tcyakil mya ba'n tuj kanmi.

—1 Juan 1:9

Katzun il ti'j tu'n tcub ulj tcyakil jlu', qyajtzun cyeye, myapelo il ti'j tu'n cyank'ine ba'n, ex tu'n tel

cypa'n cyibe ti'j tcyakil mya ba'n, ex tu'n cynimane Dios?

—2 Pedro 3:11

Cyja'tzun, ax icxte Jesús cyimti'jxi tnam tu'n cyel pa'n ke xjal tu'n tu'ncu tche'l, tu'n cyajben o'cx te Dios.

—Ebrey 13:12

Tz'oc tililx cyu'ne tu'n tten cymojbabl cyibe cyuc'il cyacyakil xjal; tz'oc tililx cyu'ne tu'n tel cypa'n eyibe ti'j tcyakil mya ba'n; porque ka minti ma tz'el cypa'n cyibe ti'j, mlayx cyile twitz Kajau.

—Ebrey 12:14

Ic tza'nte Dios xjante, aju txcon cyeye, icxtzun cyeye cypa'mil cyibe ti'j tcyakil mya ba'n tu'ntzun cyoque xjan.

—1 Pedro 1:15

KEJU NOJNI TU'N XEUBAJ XJAN

Mascye mya ba'n keye, pero in xi cyk'o'ne oyaj ba'n te cyc'ua'le. Yajtzunte Cymane aju at tuj cya'j, mlaypelo tzaj tk'o'n ju Xeubaj Xjan cyeju in che kanin te?

—Lucas 11:13

Ex tej cybaj na'n Dios, jau yuc-ch ja jatok cybuyin cyib; ex cycakil baj noj tuj cyanmi tu'n Xeubaj Xjan, ex xi cyma'n tyol Dios minti cyxobil. —Cybinchben Apostl 4:31

Atzunte Esteban nojni tuj tanmi tu'n Xeubaj Xjan, jau tque'yin twitz cya'j ex o til tspic'umal Dios tuj cya'j tuc'ix Jesús wa'l ttxlaj Dios tuj bank'abaj.

—Cybinchben Apostl 7:55

Atzun cyeye myatzun in che ank'ine tuj tajbil cychibjale, nok o'cx tuj tajbil Xeubaj Xjan, ka na-jl T-xeu Dios tuj cyanmiye. Ex ka at jun minti T-xeu Crist tuj tanmi, myatzun te Cristju. —Rom 8:9

Pero octzun tul ju Xeubaj Xjan cyuc'ile, oc cyc'ma'ye cyipumale, ex oc che oquele testiw wi'je.

—Cybinchben Apostl 1:8a

Porque ate Bernabé jun xinak ba'nxix, ex nojni tuj tanmi tu'n Xeubaj Xjan, ex at-xix tocslabl.

—Cybinchben Apostl 11:24a

Atzun ke ocslal nimxix in che tzalaj ex nojni tuj cyanmi tu'n Xeubaj Xjan.

—Cybinchben Apostl 13:52

Xi tma'n Jesús te:—Ka jacu tocslaya, jacu bant; porque alcye at tocsabl, tcyakil jacu binchanjtz te.

—Marcos 9:23

Erman, akeye at nc'u'je cyi'je, mi'n che sec'paje tu'n tlaj joybil cyi'je in tzaj ic tza'n k'ak' tu'n tel nic'baj cyi'je; mi'n che ximane ti'j ka o'cx cyeye in tzaj joybil cyi'je. Nok o'cx che tzalajxe tu'n tic'x cyu'ne junx tuc'il Crist, tu'ntzun cytزالaje nimxix oc tyec'unte tib Crist in koptz'aj wenn.

—1 Pedro 4:12, 13

Ex quelel tsu'n Dios ta'l cywitz cycyakil; ex mintitl camic, ex mintitl bis, ex mintitl ok'el, ex minti-

tl c'ixc'oj; porque akeju at tnejel, ma che naj. —Apocalipsis 21:4

Cynimanxe tnejelxix aju tcaubil Dios, ex tu'n cybinchante ye aju tz'aklxix tuj twitz; tcyakiltzun jlu' ctzajel k'o'n cyeye.

—Matey 6:33

Ex lu kine chin tele cyuc'ile tcyakil k'ij acutzun in japun baj mancbil tk'ijlalil. Iexwitju.

—Matey 28:20b

Tu'n jlu' ma tzaj tma'n Dios ke jun yol mejor ex ma' t-xilen; tu'n jlu' tu'n tten kchwinklal junx tuc'il Dios, ex tu'n kel ok ti'j cybinchben xjal puro tz'il, porque in pon cyc'u'j ti'j mya ba'n.

—2 Pedro 1:4

44 AJU IN TZAJ TTZIYAN DIOS CYE KEJU IN CHE OC TUJ JOYBIL CYI'J

Porque ic tza'n te Crist ic'x tu'n
tej toc tuj joybil ti'j, cyja'tzun at
tipumal tu'n tonin cyeju in che oc
tuj joybil cyi'j.

—Ebrey 2:18

Ex aju Dios k'olte kmojbabl
kib, jurat naj cbel pach'u'n Sata-
nás tjak' cykane tu'n.

—Rom 16:20a

Ex bi'n ku'n, tuj tcyakil inak'unan
Dios tu'n tel ba'n cyeju in che c'ujlan
te, cyeju txco'majtl ke tza'nx ju t-xi-
mbetz Dios.

—Rom 8:28

Aju joybil cyi'je in tzaj, axju in
tzaj cyi'j cycyakil xjal; pero ate
Dios ba'n tu'n tke' kc'u'j ti'j, mlay
che cyaj k'o'ne tu'n Dios tu'n cyo-

que tuj joybil cyi'je nimxix aju
mlay tzic'x cyu'ne. Oc cyoque tuj
joybil cyi'je ctzajel tyec'un Dios
jun tu'mel tza'n tten tu'n cyel
oke, tu'ntzun tic'x cyu'ne.

—1 Corint 10:13

Porque aju yajbil ke ja'lo mya
nim ex nok te jurat, pero tu'n jlu'
ctzajel k'o'n jun koclen ma'xix ex
te jumajx.

—2 Corint 4:17

At tzalajbil teju xjal ka ma
tzic'x tu'n oe toc tuj joybil ti'j;
porque ka ma tzic'x tu'n, oe
tc'ma' jun oyaj tu'n tten tchwi-
nklal, aju tzaj tma'n Dios tu'n
ttzaj tk'o'n cyeju in che c'ujlan te.

—Santiago 1:12

AJU IN TZAJ TTZIYAN DIOS CYE KEJU IN 45 CUB TIJ CYCYAKIL JOYBIL CYI'J CYU'N

Alcye ma cub ti'j tu'n, coquel nk'o'ne te tkan ja tuj tja Dios, mlayx tz'etz, axtzun cjel ten; ex coquel ntz'ibane tbi Dios twitz ex tbi jun tnam aju etzan tu'n Dios, aju ac'aj Jerusalén tbi, aju cbeletz tuj cya'j ja tuma ta' Dios, ax icx coquel ntz'ibane twitz aju nbiye ac'aj.

—Apocalipsis 3:12

Alcye ma cub ti'j tu'n, atzunju coquel t-xbalun sak; ex mlay cu'x nnajsa'ne tbi tuj libr te chwinklal, ex cxel nchic'ba'ne twitz Nmane ex cywitz ke t-anjel, ka ax toc ocslal wi'je.

—Apocalipsis 3:5

Alcye ma cub ti'j tu'n, cxel nma'ne te tu'n tcub ke' wuc'ile tuj

nk'ukbile ja tuma in chin cawine, ie tza'n weye ma cub ti'j wu'ne, ex ma chin cub ke'ye tuc'il Nmane tuj tk'ukbil.

—Apocalipsis 3:21

Alcye ma cub ti'j tu'n, oc tc'ma' teyakil tu'n toc te tetzbil; ayine chin oquele te Tdios, atzunte coquel te nc'ua'le.

—Apocalipsis 21:7

Alcye at t-̄xeyin, binx aju in tma'n Xeubaj Xjan cye cyeyakil ocslal tuj junjun tnam. Alcye ma cub ti'j tu'n, cxel nk'o'ne toclen tu'n t-xi tlo'n twitz ju tze' te chwinklal aju at tuc'il Dios tuj cya'j.

—Apocalipsis 2:7

46 ALCYE IN TMA'N TYOL DIOS TI'J MJEBLE'N

Pero cxel nma'ne cyeju mjebni, tu'n mi'n tel tpa'n tib xu'j ti'j tchmil. Mya ayin kine in chin k'mante jlu', ate Kajau in k'mante. Katzun ma tz'el tpa'n tib, cucx tu'n tcyaj ten, minti tu'n tmoje' tuc'il juntl, ex ka tu'n tbant tten tuc'il tchmil tu'n tmoje' juntl maj tuc'il. Icx te chmibaj, mi'n cyaj tco'lin t-xu'jil.

—1 Corint 7:10, 11

Porque ic tza'n jun xu'j at tchmil, toc tuj tcuent tchmil tu'n ley itz'xu tchmil; pero ka ma cyim tchmil, tzokpi'ntl te xu'j, minti toclen tley tchmil ti'j. Cyja'tzun, ka ma moje' xu'j tuc'il juntl xinak itz'xu tchmil, coquel

tbi aj paj; katzun ma cyim aju tchmil, tzokpi'ntl te xu'j, mintitl toclen tley tchmil ti'j.—Rom 7:2, 3a

Ka at jun xinak ma cub tpa'n tib tuc'il t-xu'jil, ex ka ma moje' tuc'il juntl xu'j, in tbincha'n aj pajil; ex alcye jun xinak ma moje' tuc'il ju xu'j otok cub tpa'n tib tuc'il tchmil, ax icx in tbincha'n aj pajil.

—Lucas 16:18

Pero atzun weye cxel nma'ne cyeje, ka at jun xjal ma cub tpa'n tib tuc'il t-xu'jil, ex ka minti tbincha xu'j aj pajil, tu'n tlaj xinak mya yajcu oc tbincha xu'j aj pajil; ex ka ma moje' juntl xinak tuc'il ju xu'j otok tz'el lajo'n, ax icx in tbincha'n aj pajil.

—Matey 5:32

Oc nxi'ye ex oc tbaj nbincha'ne jun cynajbile, chinule juntl maj ex che xel wi'ne wuc'ile tu'ntzun cytene wuc'ile ja tuma atine.

—Juan 14:3

Jurat chinul naje; aju at cyuc'ile cytzyumxe wenn, tu'ntzun mi'n tel k'i'n ju oyaj cyeye tu'n juntl.

—Apocalipsis 3:11

Porque alcye ma ch'ixwi wi'je ex ti'j nyole cyxol ke xjal te tk'ij-lalil ja'lo ma tz'el cypa'n cyib ti'j Dios, ex aj il ke, ax icx weye, chin jawil ch'ixwiye ti'j oc wule in chin koptz'aje tu'n tspic'umal Nmane ex cyuc'ix ke anjel xjan, ayine sc'o'maj kine tu'n Dios tu'n ntene cyuc'il xjal.

—Marcos 8:38

Entons ctzajel yec'un jun techal tuj cya'j tu'n wule, ayine sc'o'maj kine tu'n Dios tu'n ntene cyuc'il xjal, octzun che jawil ok' cycyakil xjal tuj junjun tnam twitz tx'otx', ex oc cyla' oc ntzaje tibaj muj twitz cya'j, tuc'il wipumale nim ex in koptz'aj wi'je tu'n nspic'umale. Porque ic tza'n xlek'le cya'j in jau tuj tjawitz k'ij, ex in pon ko-ptz'aj tuj telex k'ij, icextzun chinuleju ayine sc'o'maj kine tu'n Dios tu'n ntene cyuc'il xjal.

—Matey 24:30; 24:27

Ax icx cyeye ten cypasense, ex cycyuwsam cyanmiye, porque in lk'ex ttzaj tk'ijlalil tu'n tul Kajau.

—Santiago 5:8

Cymatzun ke xinak cye:
 —Akeye xinak aj Galiley, ¿tiku'n
 in xi cyque'yine twitz cya'j? Axte
 Jesús tzultl, aju xjau k'i'n cywitze
 tu'n t-xi' tuj cya'j, icxtzun tzulaju
 ic tza'n xcyile xi' tuj cya'j.

—Cybinchben Apostl 1:11

Ex octzun cyila' xjal oc ntzaje
 tuj muj ayine sc'o'maj kine tu'n
 Dios tu'n ntene cyuc'il xjal, ex oc
 cyila' nim wipumale ex in chin kop-
 tz'aje wenn. —Lucas 21:27

Akeye ermann, at nc'u'je cyi'je,
 ma ko oc tc'ua'l Dios ja'lo; ex
 na'mx ttzaj yec'un tza'n ko oquel.
 Pero bi'n ku'n oc tyec'unte tib Je-
 susrist, ko oquel ic tza'nx te, po-
 rque oc kila' tza'n que'yin. Ex

tcyakilju inayon ti'j Crist ex k'ukl
 tc'u'j ti'j, in sakix tuj tanmi, ic
 tza'nte Crist sak te. —1 Juan 3:2, 3

Cybime, chinule ic tza'n elek'; at
 tzalajbil teju in xk'ukin, ex toc
 t-xbalun tu'ntzun mi'n tbet ski't
 ti'j ex tu'n mi'n tcub tk'o'n tch'ix-
 wi cywitz xjal. —Apocalipsis 16:15

Icxtzun cyeye, nok banni cyte-
 ne, porque alcye or minti in che xi-
 mane ti'j, atzun chinuleju, ayine
 sc'o'maj kine tu'n Dios tu'n ntene
 cyuc'il xjal. —Lucas 12:40

Porque ayine sc'o'maj kine tu'n
 Dios tu'n ntene cyuc'il xjal, chinule
 tuj tspic'umal Nmane, cyuc'ix
 ke n-anjele. —Matey 16:27a

AJU TYOL DIOS

Porque minti e paeban ke tsanjel Dios tu'n cyex cyajbil; nok o'cx te Dios in che ajben ke xjal lu', xi cyma'n ju yol aju tzaj tma'n Dios cye, porque k'i'n ke tu'n Xeubaj Xjan.

—2 Pedro 1:21

Tcyakil aju tz'ib'an tuj Tu'jil, a Dios k'mante, ex at tajben te xnak'tzibil ke, ex tu'n kmayonjtz, ex tu'n tjikumanjtz ti'j knabl, ex tu'n kxnak'tzanjtz tu'n kbet tuj tu'melxix.

—2 Timoteo 3:16

Ate Xeubaj Xjan k'olte chwinklal; atzunju kximlal minti tajben. Aju yol ma txi nma'ne cyeye, in yolin ti'j xeubaj ex in tk'o'n chwinklal.

—Juan 6:63

CHE NA'N DIOSE

Cyja'tzun che na'n Diose ic jal: A Kman ate tuj cya'j, tenwt tchiyilal tbiya keye. Cu tzaj ju tcaubila. Bant-xwit ju tajbila twitz tx'o-tx' ic tza'n in bant tuj cya'j. K'ontza kwaye ja'lo, aju inajben junjun k'ij. Ex najsama aju mya ba'n in kbincha'ne twitza, ic tza'n keye in cub knajsa'ne cyeju in cybincha'n mya ba'n ki'je. Ex mi'n tak'a ambil tu'n koque tuj joybil ki'je, pero ko teloma teju mya ba'n. Porque teya ju caubil, ex ipumalj, ex ajwalil te jumajx. Icxwitju.

—Mateo 6:9-13

Published in numerous languages by World Missionary Press as God supplies funds in answer to prayer. Other booklets are also available. If you would like more copies for careful distribution, please write in English to:

World Missionary Press, Inc.
Box 120
New Paris, Indiana 46553 U.S.A.

Guatemala

MAM

242 Northern Mam
Printed in U.S.A.